



# COMUNU DE CABUDERRA

Tzitadi Metropolitana de Casteddu

---

## DELIBERATZIONI DE SA GIUNTA COMUNALI N. 4 DE SU 11/01/2023

OGETU: *PIGADA DE ATU REPORT AVERIGUAMENTUS TRIMESTRI N. 3 DE SU 2022.*

S' annu 2023, s' 11 de su mesi di Gennàrgiu a ora de is 12.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

### ***Nòmini e Sangunau***

Beniamino Garau  
Dessi Donatella  
Frongia Pietro  
Montis Giovanni  
Sorgia Silvia  
Solinas Marco  
Garone Katuscia

### ***Càrriga***

Sìndigu  
Assessori  
Assessori  
Assessori  
Assessori  
Assessori  
Assessori

### ***Presenti***

Eja  
Eja  
Eja  
Eja  
Eja  
Eja  
Eja

**Presentis: 7**

**Ausentis: 0**

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

---

## SA GIUNTA COMUNALI

**Postu chi:** su Comunu de Cabuderra, cun Deliberatzioni de su Consillu Comunali n. 87 de su 14 de su mesi de idas 2015, cun aciuntas e mudaduras a sa deliberatzioni n. 68 de su 30.11.2017, at aprovau su Regulamentu de is Cumpudus Internus” (D.L. n. 174/2012, mudau in L. 7 de idas 2012 n. 213);

### **Acrarau chi:**

- su cumpudu imbenienti de regularidadi amministrativa e contàbili si fait cun sa diretzioni de su Segretàriu comunali e, po favoressi sa collaboratzioni cun is Responsàbilis de Setori, punnat a unu traballu intre chini fait su cumpudu paris cun chini ponit in aplicu is atus po mellorai sa calidadi de s’ atividadi amministrativa e de is protzedimentus amministrativus e po straviai is irregularidadis;

- cunforma a s’ art. 12, puntu 3 de su Regulamentu Comunali de is cumpudus internus, su Segretàriu comunali, ascurtaus is Responsàbilis de Setori, aprontat unu Pianu annuali de s’ atividadi de cumpudu innui ddoi funt:

a) sa tipologia de atus;

b) is critèrius de sceberu;

c) is informatzionis utilosas chi pertocant is modalidadis de cumpudu;

**Biu** su Pianu annuali de s’ atividadi de cumpudu, intregau a is Responsàbilis de Setori, chi acrarat sa tipologia de atus de presentai a su cumpudu de regularidadi amministrativa e contàbili po s’ annu 2022 cunforma a sa lei, de su regulamentu in matèria de cumpudus internus e de su Pianu triennali de preventzioni de sa corrutzioni e trasparèntzia 2022/2024, aici comentis sighet:

a. su 50% de is Determinatzionis de gastu – chi pertocant dònna Setori – cun valori totali prus artu de 1.000 èurus;

b. su 50% e de is cuntratus (scrituras privadas) cun valori superiori a 1.000 èurus;

c. su 5% de is àterus atus amministrativus: ordinàntzias e Decretus de is Responsàbilis de Setori.

**Liau a consideru** chi su 15.11.2022, su Segretàriu Comunali agiudau de su personali de su Setori Segreteria e afàrius generalis at fatu s’ estratzioni de is atus de averigui, pertocantis a su de tres trimestris 2022;

- s’ esàmini de is atus sceberaus est acabau su 21.12.2022;

### **Bidas:**

- sa lei 213/2012 e art. 13 puntu 23 de su Regulamentu Comunali asuba de is Cumpudus Internus chi at stabiliu de nci trasmiti is èsitus de su cumpudu de parti de su Segretàriu a is Responsàbilis de is Setoris, paris cun is diretivas in s’in casu de irregularidadis, aici puru a is Revisoris de is Contus e a is òrganu de valutatzioni de is arresurtaus de is dependentis, a su Sìndigu, a su Presidenti de su Consillu e a su Consillu Comunali.

- su Report n. 03 pertocanti is cumpudus internus de su de tres trimestris 2022 (21.12.2022 – imbiau a su Sìndigu, a su Presidenti de su Consillu, a is Consilleris Comunalis, Revisori de is Contus, Òrganu de valutatzioni, Responsàbilis de Setori;

---

**Stabiliu** chi tocat a pigai atu de su Report n. 03 arremonau in susu;

**Arriciu** parri de regularidadi tènicu–aministrativa de parti de su Responsàbili de su Setori Segreteria, cunforma a s' art. 49 D.lgs n. 267/2000, mudau e integrau de su D.L n. 174/2012, mudau in sa lei n. 213/2012;

Cun votus a favori;

### **PIGAT ATU**

De su Report n. 3, aprontau de su Segretàriu Comunali po su chi pertocat is cumpudus internus de su de 3 trimestris 2022 (21.12.2022) – imbiau a su Sindigu, a su Presidenti de su Consillu, a is Consilleris Comunalis, Revisoris de is Contus, Òrganu de Valutazioni e Responsàbilis de Setori.

Apustis cun votus a favori e a totòmini cunforma a sa lei: si decrarat ca custa delibera est esecutiva, cunforma a s' art. 134, D.Lgs n. 267/2000.

---